



**Instrvctio R. P. Bartholomæi Riccii Societatis Iesv
Theologi De Modo Recte Meditandi De Rebvs Divinis**

Ricci, Bartolomeo

Mogvntiæ, 1605

8 De Compositione corporis.

[urn:nbn:de:hbz:466:1-59608](#)

De compositione & situ corporis.

C A P. VIII.

QVIA ad recte meditandum non parum
iuuat corporis situs, membrorumque
compositio, visum est non esse prætermi-
tenda documenta sequentia.

P R I M V M , etiamsi rationi consentaneum sit , vnumquemque eum tenere situm , quo ad attentè meditandum magis iuuatur : tamen generatim loquendo pri-
mum locum tenet flexio genuum , quia eo
situ, maior quam aliis reuerentia deferri vi-
detur diuinæ Majestati. Vnde seniores illi
in Apocalypsi depositis è capite coronis *Apoc. 4.*
prostrauerunt se ante agnum , vt eum ado-
rarent. Atque hoc situ initio orationis suæ
in horto factæ vsus est Christus Dominus,
vt affirmat S. Lvcias , dicens. *Et positis ge-
nibus.* Eundem imitati sunt Apostoli, nam
sigillatim de S. Bartholomæo legimus, eum
centies per noctem inter orandum solitum
genua flectere. De S. Iacobo quoque, fratre
Domini scribitur , eius genua callum ob-
duxisse instar camelii , ob crebrum vsum
poplitibus flexis precandi. Excita ergo &
te, vt eundem morem sequâre : nec dubita

F s rem

90 INSTRVCT. DE MODO

rem feliciter cessaram. Noui ego multos adolescentes, & tate & viribus infirmos, qui breui tempore se assuefecerunt ad integræ horæ genuflexionē, idq; ter, quaterve quotidie, sic ut nulli scamno inniterentur. Vidi & tate affectos idem facientes, eo quod consuetudinem illam à iuuentute usurparunt. Quare si initio aliquantulum doleant genua, patienter fer ad breue tempus: si vero crescat dolor, erige te paululum in pedes, & post ad genuflexionem reuertere. Si iterum doleant, iterum exurge, & si opus sit, etiam nonnihil conside, modo breui captia quiete, relabere in genua. Hac enim exercitatione paulatim consequere facilitatem diutius ea flectendi. Addendum hic censeo, quoties vis sedere, quoniam colloquium cum Deo etiam hoc situ instituendum est, id facias magna corporis decentia & reuerentia. Prolixius de hoc situ idcirco locutus sum quod sciam ad pie orandum prodesse plurimum, esseq; ex ritibus extensis præcipuum, quo Deo Opt. Max. debitus honor defertur. Vnde & videmus communiter omnes flexis genibus alloqui summum Pontificem, nempe, quia Christi Vicarium esse norunt in terra: & Ecclesiam sanctam exercitam ceremoniarum magistrum,

MEDITANDI PARS I. 97

stram, à Spiritu sancto edoctam, in officiis
diuinis varias inclinationes genuum, tota-
rumque corporum præscribere.

ALTER situs est, stare quem item Eccle- *Cap. 12.*
sia sancta sæpe commendat; & exemplum
exstat apud Tobiam angeli Raphaelis di-
centis. *Ego enim sum Raphael angelus, &*
*nus ex septem, qui astamus ante Domini-
num.*

TERTIVS est, sedere, quem S. Augustinus
in Regula sua concedit centenariis. Quare
non debet quilibet facile hunc situm usur-
pare, nisi sit æger, vel corpore imbecillo. E
quorum numero, vel non erat, vel se non
esse credebat sanctus ille, qui dicebat. *Pu-*
deficerem vehementer, si sedens deprehensus es-
sem orationi vacare. Vbi aduertendum est, si
necessitas te sedere cogat, ut honeste & mo-
deste te ad sessionem componas ob Dei pre-
sentiam, secundum consilium Apostoli di-
centis. *Modestia vestra nota sit omnibus ho-*
minibus. mox enim hanc caulam subiungit. *Phil.*
Dominus enim prope est.

QVARTVS est, iacere humili, prono aut su-
pino corpore. Nam de Christo domino
prosequente orationem in horto Gethse-
mani ait S. Marcus. *Procedit super terram.* & *Marc. 14*
S. Matthæus adiungit, in faciem suam. *Matt. 26*

QVINTVS

QVINTVS, & postremus situs est, ambulare, qui solet esse deterior cæteris, & idcirco usurpandus non est, nisi somnus obrepens ita postulet, si modo ea facta sint, quæ præmitti solent, nempe, ut pexum sit caput, Iotæ manus, Ibrachia in modum crucis extensa, & lingua modicum commorsa prius fuerint. Quanquam hic alias cauendus error est, ne quid hic fiat sui mortificandi desiderio, plus quam necesse est: tempus siquidem illud orationi, non mortificationi, destinatum est. Potest & alia esse ambulandi necessitas, ut si quis eo tempore cogatur aliquo proficisci: sed tunc conueniet incedere oculis, quoad fieri potest, in terram deiectis, ne occasio detur distractioni, si libere, nunc in hanc, nunc in illam partem cōiiciantur. Dixi videri mihi situm reliquis deteriorem, quia si progrediare oculis aperitis, multa necessario cernenda sunt quæ animum distrahant: si occlusis, metu impingendi, vel cadendi non carebis. Hæc de totius corporis situ: nunc de quorundam membrorum cōpositione aliquid subiiciamus.

D e Capite, scribit S. BONAVENTURA in Theologia mystica, tempore meditacionis consultum esse, ut vultus erigatur versus cœlum, eo q[uod] anima ductum secura oculorum



rum sic facile cogitet de cœlestibus. Quocunque vero situ utare, caue sedulo, ne caput nimium propendeat: nam sanguis delapsus mox illud inflamat, & vinacitatem intellectus in discurrendo retardat.

De oculis, ait B.P. N. Ignatius, conduce-re, maxime cum oratio vocalis instituitur, vt figantur in aliquam imaginem, vel aliam quampiam partem, secus fore, vt variis re-bus in eos incurrentibus, homo dum è me-moria orationem recitat, distrahatur: nam si oratio legatur, constat oculos defigendos in librum. In oratione mentali, poteris, vt lubebit, vel clausos, vel apertos tenere ocu-los, moderatione ea semper seruata, vt alpe-ctus ad paucissimas res contuendas feratur.

MANVS quoq; componendæ sunt, prout rationi consentaneum videbitur, aut deuo-tio postulabit, hoc est, vt iunctæ sint, vel ex-tensis vel implicitis inter se digitis, aut in altum sublatæ.

B R A C H I A item nunc in formam cru-cis porrecta, nunc in sublime elata esse queunt: aliquando etiam in tergum refle-xi, maxime quando meditationis materia id exigeret, vt est illa de Peccatis, de Iudicio, & similes. magnopere enim hic ritus iuuat meditantem, dum imaginatur se esse quasi reum

94 INSTRVCT. DE MODO

reum Iudici ob crima admissa sistendum,
ut ab eo vel condemnetur, vel liberetur. In
mentem hoc loco venit monere Tyrone, ne
quando manus complicatas tenent ante
pectus, nimium eas constringant, maxime
æstate, nam in débilioribus, & iuuenculis
id gigners solet euerctionem vel agitationem
stomachi. Poterunt autem, vt dixi, varia-
re, vel pro libito, vel vt Spiritus suggesserit.
Loquor de oratione vel meditatione, quæ
fit in cubiculo: nam in aliorum prætentia,
non conuenit hæc varietas, tum vt caue-
rur vana gloria, tum ne videamur singula-
res.

D E N I Q V I moneo, nimium tum æstum
tum frigus capiti in Meditatione esse no-
xiū. Quod cum contigerit, poterit operi-
mento aliquo frigus arcere: quamquam ge-
neratim modicum frigus potius prodest,
quam obest, eo quod vim naturalem intra
caput cohibeat, & ideo actiones suas viua-
cius obeat. A T Q V E hæc dicta sint de iis, quæ
antecedere debent Meditationem; nunc re-
stat vt aggrediamur secundam partem,
quæ est de ipso Meditan-
di actu.

P A R S